

E noho Tūheitia

Ara tihei mauri ora e noho Tūheitia

E noho Tūheitia te hiri o Waikato
E huri to kanohi ki te hauauru
Ngā tai e ngunguru i waho o Te Ākau
aue, hei aue! **Hī aue!** aue, hei aue!

Tō pikitanga ko te ao o te rangi
Tō heketanga ko karioi maunga
Tō hoe ngā waka ko Whaingaroa
aue, hei aue! **Hī aue!** aue, hei aue!

E **(hī)**hoe tō **(hī)**waka ki Ngaruawāhia
Tūrangawaewae mō te kīngitanga
Te tongi whakamutunga a Matutaera
aue, hei aue! **Hī aue!** aue, hei aue!

Piua o mata ki **Kawhia moana**
Ki Kawhia kai ki Kawhia tangata
Ko te kupu tēnā a o tupuna
aue, hei aue! **Hī aue!** aue, hei aue!

Takahia atu rā te moana i Aotea
Kia whatiwhati koe i te hua o te miro
Te tihi o Moerangi te puke okiokinga
aue, hei aue! **Hī aue!** aue, hei aue!

Tairi te aroha i a **ha! ha! Hi Aue!**
Toro mai o ringa me aroha taua
Aue, **Hikitia!** Aue, **Hapainga!**
aue, hei aue! **Hī aue!** hei aue!
Ara Tihei Maori Ora **Hi!**